

重刊道藏輯要

重陽全真集

終南山重陽子王嘉撰

七言律詩

結物外親

一姪三子一山洞連余五箇一心雄六明齊伴天邊月七爽俱
邀海上風真妙裏頭拈密妙晴空上面躡虛空東西南北皆圓
轉到此方知處處通

一弟一姪兩箇兒和余五逸做修持結爲物外真親眷擺脫塵
中假合屍週匝種成清靜景遞相傳授紫靈芝山頭並赴龍華

道藏輯要

重陽全真集

一 上胃集一

會我趁蓬萊先禮師

先生於甯海軍裝伴哥街市乞化背紙一大幅上書此

二詩以誘馬銍同去乞覓

圈眼王三乞覓時被人呼作害風兒五般彩色於身見一點靈
光只自知貼觀一收八句字指期須顯七言詩長街兩面諸豪
富不道蠶歸是阿誰

白爲骸骨紅爲肌紅白裝成假合屍昨日盡呼重陽子今朝都
看伴哥兒別軀異骸皆非悟換面更形總不知世上枉鋪千載
事百年恰似轉頭時

孫公求問

於身切莫論賢愚好對三光認太初剔正四門通教化弼端一
性便開舒清涼境界逍遙佳閑暇光陰自在居奪得仙丹超造
化有餘真樂證無餘

答戰公問先釋後道

釋道從來是一家兩般形貌理無差識心見性全真覺知永通
鉛結善芽馬子休令川撥掉猿兒莫似浪淘沙慧燈放出騰霄
外照斷繁雲見彩霞

呂公欲退吏求問

掌條行法每兢兢恰似臨淵履薄冰三逕好歸投侍奉一身從
妙做清澄靜中鍛鍊開心月得處光明放慧燈自有真師來度

道藏輯要

重陽全真集

二 上脞集一

汝玉峰山頂去昇騰

王公問五門

五蘊山頭闢五門氣神交結碧桃渾決令見性靈兼慧定是於
真瑩不昏物外青霄應久聚空中朗月永長存青童捧出金丹
妙唯許元初白討論

馬公問平等

往來須認定盤星出入還應辨斗青見彼過如余口過願人靈
似我心靈自通天地神尤爽得觀烏蟾性轉馨便是修行真妙
訣若能依此達天庭

張姑求問